

ԿԱՐԳ
ԹՈՒՄԱՆՅԱՆ ՀԱՄԱՅՆՔԻ ԱՎԱԳԱՆՈՒ ԱՆԴԱՄՆԵՐԻՆ ԴՐԱՄԱԿԱՆ
ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ

1. Սույն կարգով սահմանվում է Թումանյան համայնքի ավագանու անդամներին Թումանյան համայնքի բյուջեով նախատեսված համապատասխան գումարներից ամսական դրամական փոխհատուցում տրամադրելու պայմանները:

2. Թումանյան համայնքի ավագանու անդամները իրենց պարտականությունների կատարման հետևանքով առաջացած ծախսերի դիմաց իրենց ցանկությամբ և Թումանյան համայնքի ավագանու որոշմամբ կարող են ստանալ ամսական դրամական փոխհատուցում՝ Հայաստանի Հանրապետության Ազգային ժողովի պատգամավորի ամենամսյա պատգամավորական ծախսերի մինչև 30 տոկոսի չափով:

3. Թումանյան համայնքի ավագանու անդամներին իրենց պարտականությունների կատարման հետևանքով առաջացած ծախսերի դիմաց տրամադրել դրամական փոխհատուցում, եթե՝

1) Տվյալ ամսում մասնակցել են ավագանու նիստերին և ավագանու մշտական և այլ հանձնաժողովների նիստերին, ստորագրել են իրենց կողմից կայացված որոշումները և նիստի արձանագրությունները,

2) հաշվի առնելով, որ համայնքի բնակավայրերը, որտեղից ընտրվել են ավագանու անդամները տարբեր հեռավորության վրա են գտնվում Թումանյան համայնքի վարչական կենտրոնից, և բնակավայրից կենտրոն ուղիղ երթուղի չկա, տվյալ ամսում ավագանու նիստերին և ավագանու մշտական և այլ հանձնաժողովների նիստերին մասնակցելու դեպքում, ավագանու կողմից կատարված ծախսերի փոխհատուցման գումար սահմանել յուրաքանչյուր կմ համար 300 (երեք հարյուր) ՀՀ դրամ,

3) հանդիպում է կազմակերպել Թումանյան համայնքի բնակչության հետ, տեղեկացրել համայնքի կատարած աշխատանքների մասին,

4) մասնակցել է ավագանու կողմից քաղաքացիների ընդունելություններին:

4. Թումանյան համայնքի ավագանու անդամներին իրենց պարտականությունների կատարման հետևանքով առաջացած ծախսերի դիմաց դրամական փոխհատուցում տրամադրելու համար պարտավոր է ներկայացնել իր կատարած ծախսերը հիմնավորող փաստաթղթեր (բացառությամբ ավագանու նիստերին և ավագանու մշտական և այլ հանձնաժողովների նիստերին մասնակցելու վերաբերյալ):

5. Փոխհատուցումը տրամադրել հաշվի առնելով համայնքի ավագանու անդամների բնակության վայրի հեռավորությունը՝ պարտականությունների կատարման վայրից, ինչպես նաև ավագանու անդամների փոխհատուցում ստանալու ցանկության վերաբերյալ ավագանու խմբակցությունների գրության կամ ավագանու անդամի դիմումի հիման վրա:

ՀԱՄԱՅՆՔԻ ՂԵԿԱՎԱՐ

ՍՈՒՐԵՆ ԹՈՒՄԱՆՅԱՆ

